

**Bosna i Hercegovina
Parlamentarna skupština
Bosne i Hercegovine
Dom naroda
Ustavno-pravna komisija**

**Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO**

Primljeno: 27.09.2001.			
Org. jed.	Broj	Prilog	Vrijednost
02/1	-011-584/01		

Broj: 02/1-011-584/01
Sarajevo: 24.09.2001.godine.

Z A P I S N I K

sa desete Radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 24.09.2001.godine.

Sjednica je počela sa radom u 11: 00 sati.

Sjednici su prisustvovali članovi komisije: Ibrahim Spahić, Šefik Džaferović, Niko Sušac, Dragutin Rodić i Nikola Špirić, Ivo Živković.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić.

Za sjednicu je predložen i usvojen sljedeći

D N E V N I R E D :

1. Usvajanje zapisnika sa 9 sjednice Ustavno-pravne komisije Doma naroda ;
2. Razmatranje peticija i predstavki građana upućenih Ustavno-pravnoj komisiji:
 - ✓ BNT-TRAKTORI I AUTODIZALICE d.o.o
 - ✓ ATP"Udarnik"
 - ✓ Djl Unionkomerc
 - ✓ Savez paraplegičara i oboljelih od dječije paralize
 - ✓ Udruženje za povratak izbjeglih građana Bihaća
 - ✓ Predstavka Šljivo Sudke i Čeljo Jusufa
 - ✓ Predstavka Merdžić Zuhde
 - ✓ Predstavka Odbora za povratak u Kotorsko
3. Prijedlog zakona o statistici BiH;
4. Prijedlog zakona o pravobranilaštvu BiH;
5. Prijedlog zakona o registraciji pravnih lica osnovanih od institucija vlasti BiH;
6. Prijedlog zakona o upravnim sporovima BiH;
7. Prijedlog zakona o koncesijama BiH;
8. Prijedlog Odluke o utvrđivanju statusa zgrade i zemljišta u Sarajevu, u ulici Maršala Tita 16 i Odluke o utvrđivanju statusa reprezentativnog kompleksa - Konak - u Sarajevu, u ulici Bistrik 6;
9. Mišljenje Ustavno-pravne komisije o delegatskom imunitetu delegata u Domu naroda Muniba Jusufovića;
10. Tekuća pitanja.

Ad.1. Usvajanje zapisnika sa 9 sjednice Ustavno-pravne komisije Doma naroda

Zapisnik sa 9 sjednice Ustavno-pravne komisije Doma naroda Parlamentarne skupštine BiH usvojen je jednoglasno.

Ad.2. Razmatranje peticija i predstavki građana upućenih Ustavno-pravnoj komisiji

U raspravi o ovim tačkama dnevnog reda učestvovali su svi članovi komisije. Komisija je donijela sljedeće zaključke vezano za podnešene peticije i predstavke:

✓ BNT-TRAKTORI I AUTODIZALICE d.o.o.

Članovi komisije su zaključili da se zbog nejasnoće predstavke od podnosioca zatraže dodatne i decidnije informacije kako bi komisija mogla zauzeti konačan stav po ovome pitanju.

✓ ATP "Udarnik"

Komisija je razmatrajući ovu predstavku donijela zaključak da u cilju zaštite ljudskih prava, a naročito prava na rad i imovinu radnika i dioničara ovoga preduzeća upute predstavku Vijeću ministara BiH kao nadležnoj instituciji BiH koja bi poduzela sve korake za razrješenje ovoga pitanja sa SFOR-om. Komisija je zaključila da se uputi i pismo Predsjedništvu BiH kao i predstavnicima SFOR-a, te da se o svim preduzetim radnjama obavjesti podnosioc predstavke.

✓ DJL Unionkomerc

Komisija je raspravljajući ovu predstavku zaključila da se podnosioc predstavke obavjesti u skladu sa odgovorom Kantonalne agencije za privatizaciju da ima pravo žalbe na donesenu Odluku Agencije za privatizaciju Kantona Sarajevo.

✓ Savez paraplegičara i oboljelih od dječije paralize

Komisija je donijela zaključak da se inicijativa Saveza paraplegičara i oboljelih od dječije paralize uputi Vladi F BiH kao nadležnoj instituciji i da se o tome obavjesti podnosioc inicijative.

✓ Predstavka Udruženja za povratak izbjeglih građana Bihaća-slučaj Ratka Dubajića

Zaključak komisije je da je ovaj slučaj konačno riješen u upravnom postupku i da protiv njega nije dozvoljena žalba, ali se može pokrenuti upravni spor pred Kantonalnim sudom u Bihaću u roku od 30 dana od dana dostavljanja rješenja, te se komisija nemože prema poslovniku upuštati u sporove koji su u toku rješavanja na sudu. Komisija je zaključila da se o ovome obavjesti podnosioc predstavke.

✓ Predstaka Šljivo Sudke i Čeljo Jusufa

Komisija je razmatrala predstavku i zaključila da nema poslovničko pravo da razmatra ovo pitanje iz razloga što predmet nije okončan na drugostepenom organu po ulaganju žalbe podnosioca predstavke, a žalba je također upućena Domu za ljudska prava i Ombudsmanu F BiH. Komisija je zaključila i da se podnosioc predstavke obavjesti o svim poduzetim radnjama Ustavno-pravne komisije Doma naroda.

✓ Predstavka Merdžić Zuhde

Komisija je raspravljala ovu predstavku i donijela zaključak da se u cilju zaštite ljudskih prava koja se odnose na povrat imovine, uputi pismo Ministarstvu za izbjeglice i raseljena lica RS da se u što skorije vrijeme donesu rješenje o izvršenju Odluke CRPC-a koja je izvršna, konačna i obavezujuća a, zahtijev za izvršenje postoji već duže vrijeme.

✓ Predstavka Odbora za povratak u Kotorsko

Predsjedavajući Komisije je upoznao članove komisije da je obavio razgovore sa predstavnicima udruženja, te da je ovaj predmet pravosnažno presuđen od strane Doma za ljudska prava i da komisija nema više nadležnosti u ovome predmetu.

Ad.3.-7.

Komisija je raspravljala na osnovu člana 78.2. i člana 79.1. Poslovnika Doma naroda Parlamentarne skupštine BiH da li su tekstovi zakona u skladu sa Ustavom BiH.

Komisija je sa četiri glasa Za (Spahić, Sušac, Džaferović, Živković) i jednim glasom Protiv (Rodić) zaključila sa većinom glasova da su tekstovi zakona u skladu sa Ustavom BiH, te da mogu ići u dalju proceduru u skladu sa Poslovnikom Doma naroda.

Ad.8. Prijedlog Odluke o utvrđivanju statusa zgrade i zemljišta u Sarajevu, u ulici Maršala Tita 16 i Odluke o utvrđivanju statusa reprezentativnog kompleksa - Konak - u Sarajevu, u ulici Bistrik 6

Članovi komisije su jednoglasno zaključili da je Prijedlog Odluke u skladu sa Ustavom BiH te da se iz teksta Prijedloga Odluke briše riječ "zajedničke" institucije jer postoje samo institucije BiH kako stoji u Ustavu BiH.

Ad.9. Mišljenje Ustavno-pravne komisije o delegatskom imunitetu delegata u Domu naroda Muniba Jusufovića

Članovi komisije su jednoglasno zaključili u skladu sa članom 14.2. Poslovnika Doma naroda i na osnovu člana 4. Zakona o imunitetu da nema osnova za oduzimanje imuniteta delegatu Doma naroda Parlamentarne skupštine BiH Munibu Jusufoviću iz razloga što se nikada nije pozivao na delegatski imunitet vezano za pokretanje istrage Tužilaštva Distrikta Brčko.

Ad.10. Tekuća pitanja.

Pitanja nije bilo.

Sjednica je završila sa radom u 13:20 sati

Sekretar
Ustavno-pravne komisije
Aljoša Čampara s.r.

Predsjedavajući
Ustavno-pravne komisije
Ibrahim Spahić s.r.